

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 789 del 26/03/2026

Domanes dai 27 de oril fin ai 27 de mé e dai 26 de otober fin ai 26 de november

Cartieres con fit sostegnibol: l é stat stabilì l trat de temp per la domanes del 2026

[Ladino] Fora per l 2026 sarà possibol fèr domana per ciapèr i cartieres con n fit sostegnibol te doi trac de temp:

l prum dai 27 de oril ai 27 de mé, l secondo dai 26 de otober ai 26 de november. Chest l é stat stabilì da la Jonta provinizèla te la sentèda de en vender ai 20 de mèrz.

“Chest l é n projet de emportanza tel chèder de la politiches per la cèsa – à dit l assessor a la politiches per la cèsa Simone Marchiori -. Confront a l’ultima outa che se à podù fèr domana, volon meter a la leta più cartieres, per proèr a ge dèr na responeta concreta al besegn de cèses che l é te chest moment”.

I cartieres con fit sostegnibol i é de proprietà o a la leta de ITEA S.p.A., dac a fit con n priesc sostegnibol a families che à i requisic pervedui e che stenta da n pont de veduda economich o che vif te na condizion de dejèje abitatif.

Da l an passà se pel portèr dant la domanes demò online tras l servije “Stanza del cittadino” a la leta su la piata internet de la Comunitàdes de val o del Raion Val de l Adesc (Comun de Trent).

N’outa fat l’azes, l domanant l podarà vardèr dantfora la carateristiches di cartieres a la leta, con ence l numer (minimal e massimal) di componenc de na familia che pel jir a stèr te vigni cartier.

Se no cognessa esser cartieres con carateristiches adatèdes a sia familia, o no fossa proponetes alternatives, se pel scriver ite online la “Segnalazione del bisogno abitativo”, semper co la Stanza del Cittadino e i servijes online istituzionèi de referiment.

Dant de portèr dant la domana se cogn aeer fat l’atestazion ICEF, che revèrda la condizion economica-patrimonièla de la familia per chela che vegn domanà l cartier.

Autra informazions a la leta su la piata internet:

<https://www.provincia.tn.it/Servizi/Servizi-offerti-da-altri-enti/Locazione-di-alloggio-a-canone-sostenibile>.

**Service filmac per endrez del Ofize stampa a chest [link](#)
Assessor Marchiori**

<https://www.youtube.com/watch?v=hNJHkZBA6Vw>

Traduzion di Servijes Linguistics e Culturèi del Comun general de Fascia

(cdt)